

田  
間  
詩  
集

田間詩集卷第七

江上集

庚子

方還山過訪村居有贈依韻奉和

海內詩寒老孟郊  
逢迎猶有故年交  
難餘忽共新栽被  
亂後重營舊覆巢  
竝哭窮途殊出處  
好拈險韻費推敲  
田廬未就栖身窄  
消受江村一把茅  
管領豎壇自過江  
高吟猶記隔池窗  
紅亭淅水花千朶  
白眼青天雁一雙  
往事已成春夢醒  
狂心端賴夜禪降  
老年聚首無他事  
易在牀頭酒在缸

懷齊方壺

同學書堂久未過憶君吟嘯徧山阿悲秋夜半商音發  
感遇算前楚調多滄海杳無鴻雁影青春空老白狼河  
向來狂態知難改醉後如聞出塞歌

得龔仲震閩中書信

忽得故人信遠從江上魚如何沙縣別纔接海澄書多  
難交頻減漫游計亦疎令君吾未識應自重相如海澄  
吾鄉人素不相知脫仲震於  
建書來云推某分恐未然也

穫稻詞

女踰碓兒墻倉我家今日稻登場穫稻上場打稻畢拂  
還租稻叉手立往時入倉纔輸官今年只在場上看晚

禾斂死田無粟又下官符催馬草買草納官官不收千  
堆萬堆城南頭風吹雨打爛欲盡餓殺閭中子母牛

催糧行

催完糧催完糧莫遣催糧吏下鄉吏下鄉何太急官家  
刑法禁不得新來官長亦愛民那信民家如此貧朝廷  
考課催科重鄉里小民肌膚痛官久漸覺民命輕耳熟  
寧聞冤號聲新增有名官有限兒女賣成早上縣君不  
聞村南大姓吏催糧夜淡公然上婦牀

水夫謠

水夫住在長江邊年年捉送裝兵船上水下水不記數

但見船來點去十家門派一夫行生死向前無怨聲  
衣中何有苦搜索身無錢使夜當縛遭他鞭撻無完膚  
行遲還用刀箭驅掣刀在腰箭在手人命賤同豕與狗  
射死紛紛滿路尸那敢問人死者誰爺孃養汝纔得力  
送汝出門倚門泣腐肉已充烏鳶飢家家猶望水夫歸

### 乞兒行

乞食兒勿求飽如今惟有乞兒好富人有糧貧有丁羨  
爾不聞追呼聲鄉里小民難到縣羨爾不見縣官而官  
家賦稅多如麻汝徒只稅籃中蛇君不見富家翁朝防  
吏人夜防賊通宵有眼合不得籃中蛇去值幾錢草堆

一夜餉餉眠

捉船行

縣裏今年大捉船有船不近長江邊往時繫纜關江口  
如今橫艦截江守峨峨大艚載官離官不放行可奈何  
捉船到官候糧久可憐無糧燒船走男兒生計亦無窮  
何苦老在波濤中從今應與江神別此生誓不理篙櫓  
閒得一夜心不休明朝替人駕小舟

寄懷白門舊游五首

屬門人何怒飛四  
試諸子詩以代書

馴象門西老逸民兩年晨夕最交親圖書相對全無事  
粗糲同餐未覺貧雪裏顏開僧舍酒花時淚灑帝城春

楊雄居遠

謂何遜

吾歸遽試問追隨尚幾人

胡星卿

雨花臺側破山前有客樓居十幾年坐臥一牀人罕見

購求千卷手親編賢甥酷似能借隱阿叔雖癡亦好玄

造席若知吾弟子

怒飛擬訪松風閣

定容汝宿萬松顛

張瑞星

元倬先生馬巷居修梧小石野人廬牀因客臥書頻卷

詩以交嚴冊漸除頭白未妨冠服古眼昏應與簡編疎

別來念爾心灰盡尚覺杯中興有餘

王元倬

青門未必世堪逃自是東陵隱計高竟肯種園身本健

公然執爨婦殊勞灰心轉怕新聞至得酒時防故態豪

與我明年俱五十那能同醉臥江皋

常蒼谷

季子孤標野鶴姿老來持重亦吾師長齋不斷杯中物  
遠害常防亂後詩世網徧張余自放禪關已過爾還疑  
莫因學道身心苦何日爲君撒手時

錢季水

又二十四首

園上頭陀族本華多年賣盡作生涯閉門反教鄰人鎖  
潤筆溪防老友賒白鷺洲邊停杖履芙蓉山畔領煙霞  
交親索負柴扉滿誰信終朝不在家

朱七處

城北王生舊有聲孝思友誼嶺南行親喪遠至通街泣

旅櫬兼扶舉國驚

王迎喪嶺南并扶柩延尉柩回

酒到十分神始王身

惟一綫繫非輕橋邊相訂移家出擬覓吾鄉數畝耕

王某



青

仲子無端滯網羅北來家信近如何交游早慮危機伏

患難還知俠氣多老友詩于連夜燬

君聞難先焚篋中詩

阿兄鬚

在一年

謂星卿

生還遠寄江村訊飛棹衡門與嘯歌

胡君

星

城南野色滿西街白板門稀漸補柴佛戒易持難斷酒

家人不勸盡長齋市中賣藥惟僧乞寺裏聽經有弟偕

臨法誤收書一卷至今展對卽牽懷

張僧持

白下知交半隱淪同時最有子雲貧辨端欲起皆知讓

星學頻推豈認真

楊外推星命

性不如輩非佞佛家常絕粒

未求人江村老友柴門遠撥草穿畦月幾巡

楊炯伯

牆東處士髮星星老屋苔侵戶晝局野哭每逢先帝  
忌身閒甘授小兒經談時微中終朝默酒不辭斟徹夜  
醒疑我有書人罕見欲來竊向帳中聆

王維中

墨妙如君世亦稀看君遊戲頗忘機囊非正乏輸錢却  
卷自成堆得酒揮遠客乍還經宿去貴游屢約及期違  
松風閣上青田石許爲鐫還竟不歸

張大風

衣屨蕭然處士風吾徒世法幾人通律詩自與唐音近

章法言于漢篆工宅卜南村因夙好身離西席便奇窮

齊年尚有開平後

謂蒼谷

明歲同稱五十翁

吳樵月

荒園一徑入蒿萊常與溪翁薄暮來但到賓朋逢茗熟  
弗拘時節有花開家私已盡惟藏畫酒量雖差不斷杯  
猶記小橋橫席坐月高闌進醉忘回

姚伯右

隆準爭憐高帝孫每談往事欲銷魂朱門入籍知難賣  
翠袖從良說尚存亂日飢寒猶是福非時凌虐豈稱冤  
遠遊爲負兵家債流落松江何處村

朱茂昭

蓬門開向小橋邊避世經今十六年遂見山陵驅牧馬  
每逢國忌拜啼鵲爲儒半出門牆下佞佛時遭搶寺前  
羨爾食貧無重累杖頭常帶酒家錢

金伊仲

年年麥飯哭冬青阜帽方袍共幾人麴蘖難消亡國恨

菱荷不染朔風塵徒聞苦柏矜高節未有寒梅漏小春  
意氣似君貧不久問君底事只長貧

殷任野

早歲逢迎記不真那堪鬚髻盡如銀疎花小檻松江宅

野徑孤筇白下人

褚松江人寓居白下

畫倩老僧傳筆意繡疑嬌

女是鍼神

家繡多乞七處務本

如何歲暮柴門掩又作淮南幕裏

賓

褚白浮

建安游子滯難歸困在江城古帝畿賣畫僧慳分潤少

燒丹友死乞錢稀

謂陳古公

故山賊占長橋寓淡巷人尋倒

啓扉近日閩鄉容易貴如君偏是苦長飢

黃波民

馬路街邊舊草堂圖經千卷小樓藏異書試檢丹黃徧

難字頻詢亥豕詳潤筆每蒙資困乏

閩人屢託君屬書於余

聯牀

常得備遺忘借來祕本僧廚失應有神靈護不亡

借祕書藏

脩藏社爲人竊

去○黃俞邵

門西小市倚城隈一月經過定幾回初學易林頻布卦

自開酒店動傾醕繡親節著徵詩檄狎客談皆作賦才

斗室炎蒸淡坐日北窗曾有好風來

湯聖弘

憶別梅岡舊酒壚憐君行脚海天孤性難合處原知僻

跡太奇時漸近愚爲客久無穎士僕隨身惟有

孝陵

圖

顧景有

白門相念癯禪外

謂也初

更見南陔老病夫

寧

人

頭白張顛志已灰，萍蹤未許海鷗猜。幾家園內冰花接

何處階前遇石堆。丘壑境從詩法悟，江湖興自酒杯來。

導師有意爲摩頂，

浪杖人欲令蓬髮

念著萊妻苦要回。

張大王

蕭寺浮居客滿廬，談天聲價近何如。酒錢其仰君平卜

詩句頻央逸少書，

諸王山莊

樹裏簾收入散後，橋頭燈燦月

明初經行處處同攜手，獨有狂奴足跡疎。

周勿菴

籬帽荷衣道士裝，看君奇癖在膏肓。竹筐滿市收茶具

藥裏逢人試禁方，家爲燒丹全破廢，身思賣卜且韜藏。

知君有宅桃花塢，終歲何曾到草堂。

謝逸人

檜樹森森滿寺陰，蒼苔路滑日相尋。同來單上人皆散

說法堂前草漸深托鉢幾完行脚願把茅誰作住山吟  
栖霞瑜就吾何供千里拈將一寸心

天界同參語子

長干壯麗九州稱聞道今年土木興留取臺基容禮塔  
倒開窗戶看然燈

杖人便  
有此式

垂簾大半多高士挂錫其中

有異僧若遇故人相問訊爲言鬚髮白鬚鬚

長干寺諸  
十

新亭岡轉一茅孤破衲棲山老更癯持戒自知嗔性在  
授經屢辨字音誣蒲團夜雨談圖識麥飯春風哭鼎湖

最是別來常挂憶佛前摩頂小僧雛

旭初

憶在長干數往還還避喧溪入祖堂山二時齋粥松根送  
雙扇柴門竹裏關老病秋林增點綴蹣跚石磴慣躋攀

去年寫幅煙雲寄牢挂江村草屋間

祖堂介丘上人

雜憶九首

南來佛法自牛頭二十年前此熟遊  
長憶小房耆舊住偶逢佳客茗蔬留  
大江湖白窗窗見古澗藤纏樹樹秋  
相識獨存監院叟對人猶說昔風流

牛道監院

高座苦荒野色侵游人只在雨花陰  
路繞轉過喧隨隔客自來稀境豈淡  
黃葉堆邊方士醉梅花窗下老僧吟  
一從寺閉兵校後無復扶筇得得尋

高座寺

南朝諸寺首長千百戲叢叢院落寬  
黃口喧稱新國手寺有奕手白頭閒  
話舊中官御碑額許游人坐輦道錢

幾十餘餘



憑賭豎攤近日松園頻試馬可憐老樹半彫殘

長于寺

溪流脈脈繞頰牆曾客荒林舊道場竹影篩殘淡院月

梅花凍白一庭霜彈琴僧見經時化說劍人傳蹈海亡

今日山門新壯麗爲看丹堊益淒涼

普照寺

朱雀橋南塵最喧纔離市口綠陰繁青苔巷埽家家路

白槿籬編處處村王氣已銷松樹盡軍書忽下竹林髡

比來煙雨蕭條甚空有樓臺望裏存

琉璃窰上一村偏小巷疎籬盡可憐僧舍門常清晝閉

人家路向亂畦穿打柴婦過空樊圃放馬兒來各斂錢

數里琅玕官伐盡卽今幾箇轉蕭然

南岡路出鳳臺門草色苔斑滿淚痕碧血已收難入土  
丹心終在不稱冤未聞令下仇枯骨徒以交貧滯旅魂  
擬斂錢租荒寺地可還移得殯江村

移居爲卜白門幽豈意居民事事愁關市怕收騎死馬  
犒兵權借放生牛逃完戶口官難問牽去妻兒債未休  
惟有山僧裝不改近聞牒下漸苛求

小市居因老友招短牆門閉草蕭蕭偶逢僧出搖葵扇  
閒看潮生坐板橋晨起絕糧鄰肯借夜歸辨語犬來邀  
盈庭秋色誰爲主獨有胡翁歎寂寥

仲兄初度日偶成四十韻

青山招隱地，阜帽灌園翁。筋力天私健，門庭齒最崇。早

栖羈客似獨宿，老僧同飽肉。資兒俸供甘，費女紅

兄有寡女

以鍼繡佐甘旨我菴黃葉下，兄臥白茅中。容膝纔如斗，遮頭略

比蓬屨。乾晴怕脫書，爛濕頻烘夜。榻施氈覆秋，燈著紙

籠誦。因無本熟句，以不眠工警寐。聞蘆雁聯吟，伴草蛩

題枯思。曲折字細，眼矇矓入世嫌腸直。居家幸耳聾，酒

惟呼弟飲。經必遺孫通，擔糞看粗婢。爲牛弄小僮，刈芻

宵喂塞除架。早栽菰鄉里，衣冠混尊卑。餅餌充母饔，開

此口切願反。諸躬事到手，偏棘人知心。尚筵馳驅焉得

已，噉啜漸難雄。且喜荆猶合，休嗟桂舊叢。岳連慙二室

行斷剩雙鴻險韻詩更和佳辰杯肯空  
霏微吹座雨明滅隔江虹  
方竹栽斑杖圓荷截碧筒  
英餐初墜菊曲奏半食桐  
自得貧居趣何須生計豐  
七旬來鼎鼎百歲過匆匆  
莫任胎成性應拚講習功  
參禪隨意坐學易與身終  
祠屋穿三架瓜田廢數弓  
晨昏依木主清白守家風  
樹色窗朝北湖光戶面東  
乘涼颺習習曝背暖融融  
怨物銷閒怒齋心息內訌  
擁爐圍襪被篝火映簾櫳  
音韻由天發頭顱任雪蒙  
豈徒寧喘息兼以課兒童  
祖德時時說遺編世世攻  
少年能聽順長者亦虛公  
卽此真安樂誰言吾道窮

重九日友人見過

柴門住近大江涯有客追尋路苦賒  
三徑葉聲高士屐一庭山色老僧家  
茱萸正熟經秋酒叢桂還留滿樹花  
向後詩壇欣有屬獨拚歲月註南華

寄題劉臣向山居

陶公祠側竹森森小構三間倚碧岑  
借倩石崖當戶擁安排老樹滿庭陰  
市囂漸作偷閒計家足縣知勇退心  
從此俗人都可謝白頭緇侶得相尋

捕魚歌三首

長河水退疾如箭江魚上水只一錢  
土人鬪魚亦擇日

織竹爲梁罟同密水口有梁魚早驚大魚小魚湧來爭  
大魚奮鬚向空擲去江咫尺出不得鯉魚信是非凡鱗  
騰空躍過真有神小魚無神枉自急依倚大魚頭戢戢  
聽得水響皆回頭水聲亦是灘上流灘上細流旋已汔  
諒汝終是池中物

清晨打魚魚網齊人多水淺水爲泥大魚以網歸漁戶  
小魚亦聽村人捕風寒如刀人不覺一半無罟空手提  
捉得鯉魚已在手手滑旋爲他人有物物有主爭不得  
此魚非汝口中食蠅強不動灘上鱗灘邊挺叉先有人  
往來搜括何太盡寧有細族水中剩水中之魚亦善藏

明年出水三尺長

六月潮水破我堤潮來有魚稻無畦稻有佃人魚有主  
魚雖食稻不得取家家水到柴門前網挂牆壁空垂涎  
行人爭見魚湧上今來取魚殊失望或云九月連朝霧  
鯉魚引魚乘霧去我思此物之來天所予佃人無稻魚  
當捕君不見佃戶田邊水尺餘下水捕捉皆有魚

二子篇

我行萬里今歸來閱盡天下無奇才垂老江村識二子  
聲名不挂當時齒楊子祖父來東鄉家貧親老事岐黃  
戴子歷陽名父後一筵輕身萬里走兩人篇章殊精妙

雕蟲小伎何足道戴子痛父志未伸衣袖斑斑清淚痕  
學道豈必求出世年過三十不肯婚楊子信是甘貧者  
潭邊種菜纔盈把畫出灌園夜讀書嚴親嘗過不少假  
此事在古未爲奇稱向時人人不知君不見吾鄉爭與  
二子友但言二子能賦詩

和方有懷孤鴛鴦詩四首

微禽幸脫網羅中敢羨雙飛恨在櫺君是合歡牀上客  
祇應持贈獨眠翁

十首詩成盡可憐憐他隻影小窗前也知嶺外歸來客  
獨宿松間十七年



此生交頸夢難成  
媿煞人間伉儷情  
喚作鴛鴦單不得  
時時顧影怕呼名

吟君詩句斷人腸  
底爲鴛鴦苦悼亡  
玉鏡臺前吟不得  
防他聞著暗心傷

寄藥地無可師五十

風勁知歲晚  
水落知天寒  
居人篝火坐  
各各掩其關  
言念藥地翁  
一身栖廩山  
廩山在何所  
草屋八九間  
江右七氣薄  
況經兵烽殘  
緼袍豈不冷  
粗糲寧可餐  
又聞終歲病  
鬚鬢不復斑  
豈無徒與侶  
枯澹恐無歡  
念此不能往  
喟焉摧心肝

惟彼藥地翁今年正五十十載系學功茲事應已畢何  
不放牛行聽其自出入無事經卷間寫年尚汲汲我讀  
義文書不從書中得大易本在人日用誰能測一悟咸  
感旨損盡安排力苦爲習所持卽事難自必明歲亦知  
非念之心轉急

聞翁在藥地終日只讀書此事佛所禁翁意那得舒佛  
法制凡夫豈爲我設與我今但飲酒吟興亦不疎平生  
好此物到老不能除自謂醉吟時雜念無用鋟以此在  
世芬而心常得虛遠公亦有增浮山自有廬翁倘能歸  
來我其從翁居翁醒我獨醉兩者樂焉如

昔在庚寅歲同泊昭江船爲翁稱四十冠冕羅賓筵長  
歌聲忽悲轉眼十年前存者今幾人亡者良可憐如何  
我與翁又隔窮山巔翁其愛道體強飯以安眠五十爲  
始衰百骸立周旋譬如逆旅宅亦欲使完堅定知久當  
去得住且免遷知翁無所嗜亦不用學禪惟有一卷書  
可以終天年

北風行

玄冬十月北風久白日慘澹青天吼萬里枯蓬蔽空飛  
一川亂石平地走江頭老翁門不開舉家相對色如灰  
已憂屋上茅盡卷況乃堂前柱欲摧當風出手手指直

門欹繩爛縛不得門外往往拔大樹根斷株傾委牆側  
羣兒紛吹斧作薪欲起禁之老無力一村三日少人行  
耳畔唯聞摧折聲獨有南山松倔強半死猶與風力爭

輓李長者文若

昔我先君子抱道隱巖阿遠方爭就學里彥靡不羅翁  
也負英氣自請備四科雅志鄙章句微信於頗多日把  
莊生文松間朗吟哦竊聞時輩笑聲益振林柯所居在  
菰蘆雖落向江沱熒熒麥與菜累累瓜與茄柴門帶高  
柳古屋纏薜蘿客至出麥飯村酒得微醺兼通儒釋理  
辨論若縣河有見必自是此病老不瘥兄弟事耕鑿門

內藹然和鳴呼喪亂來人事同逝波翁老而失子骨肉  
半消磨所種沙渚田崩卸成漩渦疆界既以盡賦役徵  
乃苛此翁興不衰七十髣髴我自嶺外歸步履相經  
過夜淡談易理傳註痛詆訶當其得意時目中寧有他  
今春奄忽逝未聞久臥病翁爲學道人去來路不顧年  
紀近八旬不死欲如何所憐雙親柩暴露荒山坡所憐  
兩穉子米勝甕與簞空有官家稅而無田中禾卽孤孀  
有志常恐竟蹉跎時于牆壁間誦翁呼吸歌

述懷

五月井水寒十月井水溫陰陽潛變易智者窺其根而

況氣候移一往不復存古人有陳迹每爲後世翻如何  
章甫儒猶守聖人言草木戀故株人心懷舊恩不如候  
日鳥能知朝與昏大運旣以然吾道安足論

有客授我書云自張子房其理本大易其術役陰陽十  
干甲迺通六龍首則藏易爻稱帝乙迺甲義以事八卦  
排九宮虛者爲中央中央數居五其色乃正黃神人避  
正位往往游其傍此義知者誰庶幾老與莊誰謂兵家  
言恐是養生方

振衣忌太白濾水惡太清太清魚不樂太白騷易生舉  
世懷嫉妬焉能全今名賢者砥完節至人多累行成綺

事議論伯陽不與爭後世原其毀焉知至人情

揚雄性佚蕩劉向無威儀抱道空自樂誰能知其奇南  
國有曠士秉志類如斯其口不擇言其行迺無虧我欲  
從之學懼爲世所疑世情重色莊勸以少矜持此士還  
大笑爾胡教我欺去去勿復言吾不爲人師

靈鳥長苦飢志士常苦貧人生何仁義惟知賄是親東  
鄰有戚施咲愚駭四鄰西舍有嬌女容華耀青春願言  
結歡好共知非等倫所重在金帛豈必重其人不見南  
郭子守道以終身見女非不佳長大無昏姻

人生各有志所志各不違處者甘藜藿出者厭甘肥焉

能慕高尚而辭渴與飢顏公送酒錢元亮亦不抑未聞  
五侯鯖遂爲西山薇古人嚴一介此道今則微窮餓未  
卽死不如且掩鼻

真火戒突直防隄慎蟻穴世人重周旋彌縫慮其缺而  
我性狂愚言詞復疎拙如何訪毀來反以括囊獲忠告  
固見猜綢繆轉開隙中夜內自省不知何所積不見道  
傍樹編籬得松柏不見庭中花種梅成荆棘世路苟如  
此存心復何益

吾生固有分所貴能自知昨日饜梁肉今晨抱腹飢早  
時縱歡笑夕暮已生悲自審分正爾安敢踰其涯偃鼠



飲滿腹鷓鴣巢一枝豈不羨鷓鴣所賦各有宜遠志諒  
不遂徒爲世所嗤

潘蜀藻邀同方爾從舒懷祝山如劉爾雅陳季  
白潘彥升集石經齋卽席

潘岳閒居願不乖誅茅小構石經齋罷脩碧檻惟栽竹  
特閉朱門改用柴詩卷敢爲慈母較

蜀藻北堂詩集初成

酒杯偏

喜故人偕談淡燭盡西風夜落葉蕭蕭暗滿階

見齊方壺關外書信有懷

觀君書札字如鴉遠自關東萬里除病婦可憐長在榻  
嬌兒猶怪不還家淡宵夢醒沙場月絕塞愁吟野戍花

聞道遼陽饒唱和新篇幾拍入清笳

冬夜方予山幼安田伯素伯孫小武小成陳大

匡戴韓五左壯于峙匡集左武子齋論詩漫

示

敢矜風雅伯難處老纔知諸子才皆大吾鄉調不卑細

求五字法小構一篇詩

吾鄉體好爲七言又一題輒得數首皆古人所經少詩不如古

亦以近日詞壇盛居然作者誰

哭胡臨海子兌

之官頻聚首臨發覺心悲病勢人傳久除書客見疑

見除

目臨海

已易令兒方扶輓至母尚倚閭思割俸編詩願同鄉更

仗誰

子允假捐俸刻龍眠詩

偶飲城外小店諸子隨至漫成

野肆東門外軒窗面面幽偶然尋酒伴何意聚詞流小  
飲豪奴笑淡談店叟愁市人不敢入嵇阮在壚頭

聞陸漢東到金陵卽回得姚六康凶問

昨歲江城聚嶺南二妙才如何三載別獨見陸生來客  
路潮陽遠公車白下回橋西訪舊宅應怪少人開余舊寓大  
市橋西漢東曾過其處

吳拙存出示哭鑑在詩屬余序之因成一首

幾度哀吟調不成斷腸況是鵲鴿情作君小序無多字

一字書成哭一聲

冬至前一日峽山途中作

且勿憂天變今晨有薄霜客衰顏苦凍飢瘦耳尤長山  
色凌冬紫雲情欲雪黃明朝猶在路那得養微陽

投宿峽山贈念何菴主

每叱溪邊寒遶憐竹色寒柴門藏路側精舍隱林端日  
在山中短天于閣上寬老師相識舊常借一宿安

圓通閣上

冬至前一日

今日純陰夕一陽未有芽星疑疎竹見鹿過合山譚就  
火客談易移燈僧啜茶竹牀樓上冷多送衲衣遮

衲覆爐埋火毋妨襖被單香燈半夜換鐘梵五更寒火  
照驚鷄起僧來問客安行人籬外語大霧正漫漫

曝背

見說三竿上推窗甫下牀爐寒休更擁棉舊罷重裝日  
短午纔暖山溪南有陽負暄吾自適無夢獻君王

雪朝偶成

林雀不聞譁竹窗旋已曙攬衣啓柴門藹藹見積素孤  
煙弱不高野田微有路土畦高下白皓若徇茲驚寒花  
裏不舒麥色萋以布何處一聲啞驚此山鳥去

田間詩集卷第八

江上集

辛丑

田園雜詩

夙昔慕躬耕所樂山澤居憂患驅我遠常恐此志虛十  
年一言歸舊宅已焚如嗟我昆與弟茅茨倚廢墟徘徊  
靡所栖還結田中廬結廬雖不廣牀席容有餘牀上何  
所有一二古人書熒熒陂土麥青青畦間蔬日入開我  
卷日出把我鋤

仲春遊時雨旣雨旋亦晴百草吐生意衆鳥喧新聲紛  
紛羣動出各各有其營就是形骸具而懷安居情未

赴田皋叱牛出柴荆耒耜非素習用力多不精老農憫  
我拙解輒爲我耕教以駕馭法使我牛肯行置酒謝老  
農願言俟秋成

一春勤稼穡草木荒東園今晨始芟刈逝將除其根良  
苗常恐短惡草常苦繁腰斧伐荆棘用以衛籬藩荆棘  
傷我手淋漓手中痕手傷不足道籬弱何以存家人挈  
酒至滿斟在瓦盆勸我飲一醉頽然臥前軒前軒無人  
來春風開我門

雞鳴識夜旦鳥鳴識天時東臯人有聲我起毋乃遲攬  
衣出門早且復驅其兒黃犢初破成我鋤子則犁犁鋤

豈不苦衣食道在茲道傍一老父羸蹇前致辭言兒筋  
力薄稼穡非所空詩書雖不尊猶是祖父遺如何舍素  
業自甘辛苦爲多謝老父意此意君未知呼兒且飯牛  
吾去燒東菑

在昔江村田貧者纔數畝父老能力耕子弟無游手春  
秋聚比鄰半爲垂白叟泥飲不能歸往往臥路口自經  
喪亂來此會散已久今年更作社四鄰能來否社公猶  
有神鄰翁亦有後呼兒牧雞豚命姬釀新酒豈惟祖德  
存抑使風俗厚回頭語子孫世世毋相負  
今晨放犍牛水田調生犢釋子原上呼有客訪茅屋田



鳥噪正喧招手去何速念此爲誰歟有馬又有僕舍耕  
還入門廼是平生熟田潦濕我衣泥塗雷我足且爲解  
襪襪易我揖讓服故人持不聽訝我未免俗呼兒出草  
堂救廚炊脫粟我去送牛來今夜留客宿

罵牛東皋上有客問我經我牛依田轉客亦隨我行請  
問大易旨此理不易聽乾卦冠潛龍遯世去其名奇門  
稱遁甲廼能役九星祇茲无首義可農亦可兵八卦周  
天轉六位以時成時哉不可背亦豈容將迎朝爲輦上  
客夕爲隴上耕斯義如轉圜指出子應聆顧客且安坐  
吾牛不肯停

東園有嘉樹開花照昏曉一爲葛藟繫遂使枝條槁枝  
條旣以盡葛藟繫未了我欲解其纏轆轉死相抱念此  
不能除斬斷乃爲好斬藤樹亦傷藤去樹以保今晨心  
目曠宿穢淨如掃樂哉嘉樹柯且復惜其老寄言種樹  
人此物去宜早

晨興理園圃有蟲齧我蔬根株旣傷損枝葉還蕭疎我  
心不忍殺棄之臨路隅棄已還復出此豈能盡除況且  
掘鄰畦彼蔬亦何辜念當護此生慨焉揮鋏鉏遂令害  
苗物發盡無復餘借問好生人此義將焉如

鄰舍有老叟念我終歲勞日中挈壺榼餉我于南皋釋

未就草坐斟出盡濁醪老叟自喜飲三杯興亦豪縱談  
三國事大罵孫與曹呂蒙尤切齒恨不揮以刀惜哉諸  
葛亮六出計猶高身殞功不就言之氣鬱陶嗟此異代  
憤叟毋太牢騷

屋上春鳩鳴田家穀始播時雨催我還荷鋤檐前坐收  
童去未歸雨聲聽漸大時雨豈不嘉所慮老牛餓自往  
喚牧童牽牛入闌臥我牛旣以來我錯行須荷田疇及  
時治況復雨初過亦知冒雨寒爲農焉敢惰

盼盼水中蛙磬磬隴上烏土膏一以動各有口腹需田  
婦饑我飯承筐置路隅顛顛者誰子似是久饑夫問之

不肯對但指形容枯我腹豈不枵畏其委溝渠撥飯與  
之食傾筐無復餘飯已長跪謝此恩源母迺我實憫子  
飢寧爲千金圖揮之使速去毋用長者誣

春灰不久晴衣垢及時澣身上何所著敝襦及衾短家  
人念我寒一杯爲斟滿酒滿不可多農事不可緩奮身  
田野間襟帶忽以散迺知四體勤無衣亦自暖君看狐  
貉溫轉使腰肢嬾

東家事詩書西舍勤稼穡本意在謀生所期各有得君  
看西舍翁男耕女能織娶婦旣以勤生子又得力焉知  
翁室豐今年大召客割雞秋極肥出酒濃如漆可憐東

家子終歲不飽食夜愁兒女啼晝愁租賦逼天寒四壁空相見無顏色從此誠子孫決志耕不惑

魯國有一士中年不蓄妻有酒惟孤斟有牀祇獨栖將旦候鷄鳴入夜聽烏啼三冬布衾單暖氣無一絲況復失中饋長苦渴與飢飢渴豈不苦所得良自知在世多不便去之甘如飴常恐懷其安一旦不肯離不離可奈何吾其無此迷

上士守其中下士勞其形畫作形以懲夕息神亦寧晨身草間臥一臥不得醒豈惟舒我體亦以忘吾情春耕思有雨秋穫思有晴終年旱潦憂常恐秋無成秋成聽

諸天而我胡營營我情豈忘歟庶無他責生

人生會有盡行止非自由止亦不可趣行亦不可留如  
何柴桑叟汲汲爲此憂終年痛飲酒冀以忘其愁吾身  
聽物化化及事則休當其未化時焉能棄所謀有子亦  
須敬有田亦望收天心于人事何息不周流我不離世  
間而願與天游焉能外親戚視之同聚漚乃知黃老書  
不如孔與周

汪希若寄訊云以三之日過田間遲之不至

聞君有約赴青山便訪茅齋桂樹間爲擬聯牀添竹樹  
早呼開徑埽柴關廚無兼味應相恕酒入新年或未慳

一夜梅花開似雪，可因興盡及門還。

午睡三首

北窗隨意臥，竟日少人來。  
自把雙扉闔，春風吹又開。  
牀上書忘卷，松風次第掀。  
夢中聽乍醒，似有客來翻。  
貧居真樂處，未許俗人知。  
過午煎茶熟，剛逢睡足時。

雨窗

昏昏連野雨，漠漠隔溪煙。  
煙雨遮茅屋，窗中有客眠。  
潛山道上雨，過望雲中天。  
柱峰

千峰迷失雨，餘天忽向雲端覩。  
岳蓮白滿虛空遮不到，  
黛參霄漢望如縣危檣。  
直出銀河上，高髻平窺玉案前。

莫是巨靈伸指起腰軀猶在雪堆眠

潛山道中送迎陵上人之越并寄翁山禪師

翁山吾畏友之子亦同流爲赴祖庭約

本受吾鄉浮山之請

因成

采柱游萬山隨片笠一鉢入孤舟煩語祁園客吾心自

此休

翁師方寓祁氏園

自潛山入太湖道中七首

望去峰尖雲裏見到來山色霧中看知無脚力穿雲霧  
空向青天倚杖歎

見說峰頭一水環最高頂上香難攀居民不省稱天柱  
指與游人說萬山



三祖寺前多酒店僧家原爲住山開葷腥不入齋堂去

專待燒香老嫗來

以上潛山道中

溪回百折繞山遙裊裊橫空獨木橋一夜水來橋盡斷  
過溪直待漲全消

一道清流走白沙青杉翠竹有人家門前路斷應難到  
來往灘頭放釣槎

司空山亞皖公尊遙望牛頭一角存漸到山根看不見

煙迷雨暗杏花村

以上太湖道上

積雨連朝溪路漫奔流壞棧過山難道傍借問先生宅  
直上銀河三角灘

訪壽比玉

太湖莊比玉山居

司空山後一村偏我友誅茅十八年  
繞澗離離生藥草穿階活活引流泉  
路隨灘沒朝尋渡牀厭溪喧夜捫眠  
坐久不知檐溜歇瓦盆濁酒共陶然

一溪曲折入花源冒雨衝泥直到門  
炊飯無人輸子婦采薇供客走兒孫  
草茅遮斷沿山路燈火微明隔水村  
悲喜半生談不盡牀頭已罄積年尊

爲避風塵到此間筆耕未許暮年閒  
路逢野客多酬酢門對溪翁數往還  
稅急吏頻披草徑人稀虎竟破柴關  
細看天意今將轉好辦移家早出山

白鹿坪贈寶惜菴主

鳥雲巖下虎聲騎白鹿坪前斷采樵  
虧煞四山風雨夜  
跛師來結小團瓢

山根有客裹胡麻  
遠餉開黎不在家  
獨有壞衣懸樹上  
草間揮汗自鉏茶

山前山後絕人煙  
每爇爐灰火自然  
昨歲雪中香忽滅  
罷炊忍餓過新年

一徑荒荒入草萊  
佛堂燈在竹門開  
游人吹火燒茶熟  
日暮山根負朶來

穀雨過來又一旬  
家家祀竈焙茶新  
明朝赴請前峰去

盡把茶山託與人

腰斧穿雲獨自行  
空山無伴響丁丁  
枯株倒向溪邊爛  
留待明年木耳生

市虎謠

東門城外人煙簇  
有虎直上人家屋  
虎踞屋脊不敢下  
通街小兒攢虎罵  
爭言野獸近城來  
城外今年防火災  
或言此物傷人多  
買滿自來投網羅  
須臾斃之分其肉  
留取虎皮及虎骨  
皮骨公除送入官  
官親檢過恐不完  
府裏軍門官最大  
此皮合送軍門坐  
村中只道縣有虎  
那知皮骨盡入府

丈洲行

今年有官來丈洲千金之產充洲頭稅加十倍出散戶  
散戶逃亡洲頭補洲已崩去稅在身富賣山田貧賣女  
村人訛傳官如虎洲頭那當鞭撻苦情願破產共輸金  
求官勿來官不許官通算法善開方到洲升合無敢藏  
誰者傳此勾股術使我洲頭家家哭

燕巢行

燕子飛來繞人屋屋裏檐前看不足幾回尋得屋可栖  
却向春田銜新泥春來雨多泥嫌濕燕子巢成梁上立  
傍人相賀燕有巢豈知心爲黃口勞黃口在巢燕飛去

時時得食銜來哺長得雛成能學飛燕子辭巢何處歸  
丁寧向雛如有訴明年記取舊巢處明年雛燕堂前見  
人猶認是銜泥燕舊燕營巢新燕補勿負巢邊燕子語

### 打旗船行

江頭魯師老長年開帆遠避東人船東人掠船禍猶可  
目睛一瞬能殺我近來綠林計更奇小船盡打王子旗  
銀鎗鎖頸貫兩肘上船喝人人拱手君不見江頭有盜  
捕入城都是昨日打旗船上兵

### 老驢行

老翁住山出無車來往惟乘長耳驢往昔爲驢今爲蹇

村前村後去不遠遠去十里輒傷蹄有時天陰陷在泥  
中今收放復誰管驢耳雖長尾漸短夜半槽邊聞驢鳴  
誰其起者白頭兄可憐驢老爲人棄獨有老兄把火喂  
老兄喂驢不自騎與兒騎去嫌驢遲驢歸遲兮兄起早  
牽在雨中食細草

捕匠行

今年江南大造船官捕工匠吏取錢吏人下鄉惡顏色  
不道捕匠如捕賊事關軍務誰敢藏搜出斧鑿同賊賊  
十人捕去九人死終朝鎚斲立在水自腰以下盡生蛆  
皮鞭亂揮不少將官有良心無法收掩鼻但嫌死尸臭

昨日小匠縫新婚遠去寧願結髮思書被鞭撻夜上鎖  
早賣新婦來救我

夢仲馭

恍惚南園路平生迹似和

夢中誤

映窗猶藥梔見客簾

麻衣言笑居然是門庭大半非十年不盡淚重向五更

揮

餘十年前哭仲馭  
有詩皆載前集

宿輔仁館夜起示楊得之童穉公期公

何處鐘聲報耳邊起來行坐月當天諸君未見清宵好  
只怪吟詩夜不眠

上祖妣孫宜人塚

吾宗一義行自宜人  
瞻拜松楸詩以痛泣



有衍其澤有隆其丘鬱鬱者墓佳氣載浮哀我友人掩  
此十坏言念罔極雪涕橫流

嗟嗟先祖執法惟肅厥罪伊何罹茲冤酷呱呱三女從  
母也哭維今之蕃蓂于母腹

皇赫斯怒詔諸婦前謂死與適聽所擇焉哀我友人之  
死靡遯天心式格曰孫也賢迺叱諸婦遠配于邊  
迺詔宜人往裹其尸攜女扶輓馳驛以歸皇皇典禮申  
命有司友人歸來天下稱之

天祚忠貞誕生處士錢也得男惟通邑喜教育成之克  
紹厥祀子孫繩繩於其伊始

嗟我處士生不識父繫十三支系茲一縷子姓則繁母氏勞苦靜言思之泣血如雨

述井德

飲水思源遺澤斯在  
敬述四章以示後人

有石者井于宅之東朝斯夕斯以養不窮門百其口惟井是供誰其貽之曰司寇公

於惟司寇家聲有赫同寅實繁競趨其熱矯矯先祖如泉斯冽貽茲井闡以況貞潔

井闡之來于山之陽彼誰者宅墟址就荒蒙籠荆棘窮彼道傷善人遷焉厥澤以長

天道無常惟德斯久我飲于井無譽無咎嗟司寇公道

蹟未朽丘墓將傾予孫不守尚慎旃哉歌以垂後

漫述口號

江村地僻少逢迎自分長貧過此生安命豈真關道力  
求人何處有交情稚孫教得留書種窮子能專事筆耕  
口腹所需于世少算來無事可經營

近來稍覺躑躅爲祀先人勉構廬長點香燈供木主  
漸謀梨棗刻遺書家規成付諸孫守祠屋分同仲子居  
此事未完心不了且隨緣去看何如

松樹歌

偃蓋虬枝近百年長籠佳氣護高阡可憐慈寧一朝盡

伐與官家造戰船

溪松茂柏鬼神栖車蓋亭亭遠近齊自是人間官法重  
那能復顧夜臺啼

空山伐木響丁丁說造舟裝下海兵怪得山靈留不住  
樹頭夜夜有潮聲

高標勁節入雲孤不受秦封五大夫用汝作舟期破浪  
貞心還可濟川無

留松詞

隔嶺蒼松大蔽牛工師肯向小山求常時怪爾無材具  
不是無材那得留

東坡先生集卷之八  
根株已分斧斤摧豈意全生賴不才  
料汝終無舟楫用  
從今偃蹇傲山隈

感懷

柴門斜枕大江濱  
吳楚煙波此地分  
閣外久疎鴻雁影  
灘頭長狎白鷗羣  
故人消息多年絕  
南國存亡迥不聞  
回首虞君巡狩處  
九疑遮隔萬重雲

自辭嶺嶠臥江湖  
老病驚心歲月徂  
萬里瘴煙迷紫極  
十年風雨泣蒼梧  
星移絕塞流光遠  
日挂荒山返照孤  
借問西征元帥府  
底須追逼盡天隅

亂去風波行路難  
此身只合老漁竿  
已聞移檄裁滇餉

時報降書受漢官宋主海中還正朔晉家江左說偏安  
艱難萬里蠻荒外實錄誰編與後看

盤江西去瘴雲昏絕域朝廷豈尚尊事去久聞天柱折  
眼縣虛指帝星存專征大帥爭輸款特與孤臣未報恩  
試向日南還悵望北風吹雨滿乾坤

澤畔終朝祇自吟吞聲幾度不成音君臣雖遠寧逃義  
師友云亡敢負心野老也知天意去癡腸豈必國恩深  
卽今浪說崖門破誰抱龍輿入海沈

自識天心有廢興漢家圖曆杳無徵總戎棄主真難料  
屬國匡王豈足憑野史尚稱十六載舊人惟見兩三僧

張瞿殞後山陰死却憶同朝淚滿膺

彭躬菴過訪田間

垂老營一室累載費拮据短衣雜傭作手足皆泥塗客  
從遠方來遙問田間廬馱負何累累滿簾圍與書家人  
驚所見知此爲誰與心疑是斯人相見果不誣相識雖  
非故相思廿年餘人生志氣合豈在縮與疎自余處窮  
僻言笑鬱不舒何意今夕聚縱談無所拘醺酒雖非嘉  
不用市中沽盤餐亦以儉猶有蟹與魚惜哉子不飲我  
自盡此壺子行數千里幾人爲吾徒世間無奇才吾道  
已矣夫五十以學易爾我俛已邇我有一丘壑而恆苦

索居中年亦有見習氣厚難除遠愧藥地翁教然事浮屠我守先子訓勉學爲儒所恨氣力弱無人能起余良朋眇天末誰言德不孤子在巖穴間復與親友俱夕則攻諷詠晝則把犁鋤此樂可忘死桃源焉得如致意曾止山遠游胡爲乎誨我藥石言我豈真然愚所恃命在天毋事多憂虞明年春水發能同東來無茅茨治己就晨夕聊可娛吾生寡歡趣得意惟區區焉能舍徒侶而往逃空虛來當共講席勿令歲月徂

贈淳安宗丈朝卿文卿二子

有客尋源樅水濱江頭失路問亡親

二子失路因問先人始知一千



里外同宗誼三十年前合譜人門閥屢經烽火變家聲  
不逐市朝新融堂易學吾能繼祠墓何時謁後塵

命子詩

兄子濬祖侯焉三十榮名無恙學行未  
成先世之業恆恐中墜問其多難易以

前脩今我不  
述後何聞哉

悠悠錢祖肇封彭城舍竹得姓孚公以興渡江之後奕  
世有聲遷於安國惟王挺生

桓桓武肅奄有吳越射潮之氣海若爲奪迺念民命臣

節固闕子孫百世王澤未竭

武肅王

惟王之國傳于有功推讓文穆內外僉同王旣襲位守

禮益恭係我黎民帝命以隆

文穆王

再傳忠懿臣服于宋靜宣來朝爲天子重日子方郊汝  
其侍從納土之後清譙屢奉作牧歷陽惟德斯種皇皇  
典文末由莊誦 靜宣公佩

大理乞郡出守新安無家可留將母于官公便其樸民

樂其寬解任不去爰居汝灘

大理丞隱之

五世之後再挺兩侯抗起徒步志滅國仇乃殲妖黨乃

創在曾礪石之捷功大不酬退居蜀阜以優以游至於

文孫用揚厥休

侯孫融堂先生始克奏請

崇此爵號載諸春秋

惠濟侯

蜀阜之裔半登於朝融堂著述爲諸儒標卓哉我祖詩

酒自豪輕舟泛宅至于江皋埋船定居卜此潯漕

萬四公烈

元末倡義寔惟人傑龍戰于野雌雄誰決將軍知命歸  
于有德既膺世賞亦荷褒敷厥嗣司憲乃死于職遺腹  
繁衍空人之力

定遠將軍必壽

敬哉我祖罔替厥聲博覽羣籍躬耕豹城於皇仁考得  
氣惟英融堂絕學于茲再明遭時不仕迺赫其名

念我母氏生子勞苦同產五人我居其五兄弟雖才不  
及我父繫我也在黨禍斯賈

我挈妻子逃之東吳同宗者賢推宅以居國事一去奮  
捐其軀

謂家仲馭

汝母攜幼沈身太湖我殯諸寺往奔天隅

晝伏夜行達于行京漳浦之薦

黃石齋先生

士類以榮受知

冢宰

吹江曾二  
雲先生

作李延平奉檄于役國祚旋傾與汝相

失我陷于兵

困閩三年得間乃奔端州逢汝匪夢伊魂恭逢盛典策  
士于軒拔置禁近承乏代言國步方艱膺此特恩

庚寅之秋得假西上桂林多材我未敢讓彼穎者張江

張別握手悲壯我行言旋東西交喪追攀莫由長號南

向

我之困矣載奔無路間道跋涉乃與禍遇謂汝且逃我  
隨以去骨肉分散生死莫顧倖脫于羅與汝再聚

我負國恩客死無悔汝心思歸我無以解送汝還家非

巷未改汝母之柩儼然斯在惟汝之婦守志以待言結  
其襦鄰里歎駭歲月如流倏焉十載

追惟汝生于歲之終皇考心喜曰余得雄名以凜祖庶  
其亢宗行年三十衣食弗充汝旣抱子余亦稱翁言念  
汝母泣涕霑膺

汝母實賢殉節而死汝之念之無復仕理詩書之澤勿  
自汝止汝母求榮以俟厥子

戲贈飲客吟客各八首

偶與家兄弟小酌戲詩  
飲客吟客各八人因贈

詩以

飲八客

頭白村翁臥路隅，有兒能負有孫扶。莫嫌老去朝朝醉，  
不是豐年得醉無。村翁

日落漁翁不下釣，賣魚取醉臥船頭。鄰幫開動頻相喚，  
喚醒猶驚舊網未收。漁翁

佛前日醉兩三場，莫笑山僧是酒狂。醉裏觀心無一事，  
看人妄想坐禪牀。僧

黃冠道士酒腸寬，也不言飢也不寒。古廟雪深伸脚臥，  
自稱身服大還丹。道士

縱博攤蒲夜不眠，千場輸盡滿腰纏。醉來膽氣籠豪甚，  
一擲收還百萬錢。博徒

邊人一醉臥沙場滿耳淒風滿面霜夢裏不知身中酒  
只疑天暖似家鄉

征人

赤脚鵝衣雪裏行乞來殘酒卽時傾草堆一夜踴踴睡  
多少朱門醒到明

乞人

新插青帘挂酒壺時嘗一琰看佳無興來且盡牀頭甕  
不管人家沽不沽

賣酒翁

吟入客

猿臂將軍鶴髮翁老來入社調偏工饒君馬上矜無敵  
不取詞壇得意雄

老將

絲管拋來鏡少窺筆牀硯匣不曾離看他詩興花前少

多在傷秋臥病時

老妓

七尺單前坐已非口頭拈出盡禪機請看近日能詩者  
何處宗師不付衣

禪僧

道在平生識字疎自言能詠未能書口占特倩旁人寫  
多少詞宗和不如

村道士

街頭有客不知名雜在傭中過此生時向夜深吟一首  
旁人聽去又吞聲

通客

客游無奈旅愁何偏是愁中好句多若使臨邛能好客  
集成那得有悲歌

游客

怪得年來女道尊大家才子在閩門蠻牋慣寫香奩體



錦字時存粉甲痕

閨人

燒符請得到人間  
倡和經旬不肯還  
却說古今詞賦客  
天曹列在散仙班

杜仙

看花十首

最愛花枝映水邊  
照來花影倍增妍  
朱顏小婦新妝就  
明鏡臺前越可憐

水中

分明鏡裏有春風  
引手攀花鏡本空  
不似月中丹桂影  
尚留根在廣寒宮

鏡中

膽餅新插朶離離  
莫笑無根但有枝  
檢點樹頭開及落  
與他爭較不多時

鏡中

漫道燈前色較殷含嬌含態有無間應同金星珠簾卷

一片清光映玉顏

燈前

盡日尋春花裏藏折花端合獻空王靈山會上傳何事

驀地拈來笑一場

佛前

著雨花枝最有姿嬌柔無力倩扶持也知雨欲催花去

引得人憐在此時

雨中

旅況經春恨未消偶然失笑在花朝笑他不戀枝頭住

也逐東風處處飄

客中

亂來忘却已交春怪得山花次第新辜負東風勤著力

世間未有著花人

亂中

聽說春光欲起看倩人扶著倚闌干  
勸花莫恃精神好也怕風吹雨打殘

病中

每日花前飲一壺半酣看去眼模糊  
莫矜艷色欺人老醉後朱顏賽得無

醉中

### 看月十首

夜靜江澄匹練鋪篷窗開處月輪孤  
卽疑龍女淡宵出來戲波心一顆珠

江上

露白煙銷欲夜天冰輪却向馬頭圓  
此時見月惟宵客一路人家盡早眠

馬上

夜長推枕轉身頻入帳穿帷月色新  
應是姮娥眠不著

潛來窺伺不眠人

枕上

松間明月最銷魂  
細影疎痕映板門  
一派潮聲風攪亂  
還疑初出浪中翻

松間

參差竹箇翠交加  
影落虛庭迴不遮  
一片空明疑積水  
水中藻荇任橫斜

竹間

萬蕊千條屋角邊  
梢頭忽見一輪圓  
黃昏時節無人到  
翠羽嘈嘈滿樹煙

梅間

蒲團宴坐在雙林  
灰死香消夜色深  
惟有法堂孤月上  
清光如鏡照禪心

定中

清宵見月幾含情  
似爲愁人故故明  
應是夜深纔皎潔

不愁不坐二三更

愁中

積素揚輝通夜照  
月光雪色一般清  
若非移上闌干影  
地底平鋪辨不明

雪後

舞席歌筵徹夜開  
當頭幾見月徘徊  
清光不逐豪華散  
歌舞完時上砌來

席散後

田間詩集卷第八